



Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

Humanæ salutis Monumenta, & Odæ variæ

Arias Montano, Benito

Antverpiæ, 1589

In tabulam Serpentis à Deo maledicti. Ode Diclos Tetrastrophos. IIII.

urn:nbn:de:hbz:466:1-44973

MONUMENTA.

73

In tabulam prævaricationis parentum.

Ode Tricolas Tetrastrophos. III.

EHeu laborum pondera maxima,
Mortale quondam queis premitur genus.
Inuexit orbi tunc recenti
Femineæ leuitatis error,
Postquam parentum, plura petentium
Quam vox benigni præbuerat Dei.
Attendit infasti draconis
Credulitas male suada verbis:
Ardor negatæ dum sapientia,
Summique certans ambitio loci
Angustiores dat videri
Diuitias, cumulumque celat.
Pellexit arbos raraque frondium
Prospecta, ramis forma micantibus
Fatalè ut auderent scelesto
Dente (nefas) temerare malum.
Conceptus a gro pectori conscius
Succus, patenteis mox referat vias,
Qua culpa lethi sua mater,
Visceribusque animisque regnet.
Hoc fonte rixæ, dissidia & furor,
Pugnæ, rapinæ, scuaque criminum
Turba, & dolores in nepotum
Dedecus exitiumque manant.

AMBITO AERVMNOSA.

Principium errorisque mali, misereque ruinæ
Est, præceptorí credere nolle Deo.

FRAUDIS EXSPOLIATRICIS MONUM.

In tabulam Serpentis à Deo maledicti.

Ode Dicolas Tetrastrophos. IIII.

Victor dum, patribus perpetuo iugo
Depressis, celebrat gardia Lucifer;
Præclaræ & repetit cum grege perfido
Paluæ præmia nobilis;

Dues.

Duci fata suis audiit absonta
 Incepitis stabili consilio Dei:
 Cristatumque gemens puluere verticem
 Squamosus posuit Draco.
 Nam cur tu inuidiae fraudibus insolens
 Virtutis referas vel sapientiae
 Laudem colloquio quod superes nimis
 Vano, femineum caput?
 Nam te sollicitum terribiles metus,
 Expers latitia & suspicio manet:
 Quae semper pauido pectore sentias,
 Nec vitare queas ferus.
 Quin de feminea stirpe, tenerrimus
 Nasceretur valido robore surculus,
 Istud comminuat qui cerebrum citò,
 Huic dum tu insidias paras.
 Exercere malis ingenium dolis,
 Et rumpi iniuria, perpetuum tibi,
 Torquerique animo; quod propriis male
 Demens consiliis cadas.
 Dein viatus grauibus guttura vinculis,
 Aeternoque caput supplicio dabis,
 Et commenta fremens stultitiae tuae
 Flammis vindicibus iues.

CNSILIVM ABSCONDITVM.

Ingeniis hominum cunctis reperire negatum
 Surgit opus, magno propositum Artifici.

MISERICORDIAE ASSETRICIS.

In tabulam Noë sacrificantis.

Ode Sapphica. V.

SOL ubi caelo faciem sereno
 Purus ostendit, decus atque rebus
 Redditum est, quales variata formas
 Terra tenebat:
 Neper heu noxis hominum per omnes
 Ambitus Lunæ, penitus negata his
 Vobis vita & pelago innatanti
 Cedere iussa.)

Tunc